



SAVEZ KLIZAČKIH SPORTOVA  
BOSNE I HERCEGOVINE

# **PRAVILNIK O FORMIRANJU RANG LISTE KLIZAČA**

i načinu određivanja sastava  
reprezentacije Bosne i Hercegovine u  
umjetničkom i brzom klizanju

15. 11. 2019.



## Član 1.

Ovaj pravilnik definiše način formiranja rang liste klizača i način određivanja sastava reprezentacije Bosne i Hercegovine u umjetničkom i brzom klizanju za kategorije u skladu sa ISU pravilima (*ISU Special Regulations and Technical Rules --- Single and Pair Skating, Speed Skating and Short Track Speed Skating*).

## UMJETNIČKO KLIZANJE

### Član 1.

Kategorije koje se rangiraju podijeljene su u skladu sa *ISU CONSTITUTION and GENERAL REGULATIONS 2018*, Rule 108, na:

SENIOR - imaju najmanje navršениh 15 godina starosti na datum 1. jula tekuće sezone

JUNIOR - imaju najmanje 13 navršениh godina, a ne više od 19 navršениh godina na datum 1. jula tekuće sezone

ADVANCE NOVICE - imaju najmanje 10 navršениh godina starosti na datum 1. jula tekuće sezone, a ne više od 15 navršениh godina starosti na datum 1. jula tekuće sezone

### Član 2.

Klizaču se dodjeljuje onoliko bodova koliki je njegov/njen najbolji rezultat u tekućoj sezoni, tj. najveći broj bodova osvojen na takmičenju na kom je korišten ISU sistem suđenja.

Rang lista se obrazuje prema broju osvojenih bodova i ona se ažurira poslije svakog takmičenja na kom klizač popravi svoj najbolji rezultat u sezoni nakon dostavljanja protokola sa takmičenja sekretarijatu Saveza klizačkih sportova Bosne i Hercegovine.

### Član 3.

Uslov za sticanje statusa reprezentativca i ulazak u Reprezentaciju Bosne i Hercegovine je osvajanje sljedećeg broja bodova u tehničkoj ocjeni (TES – Total Element Score):

Seniori: prema važećem kriterijima ISU za učešće na Evropskom prvenstvu

Juniori: kratki program 16 bodova, slobodni sastav 30 bodova

Advance novice: kratki program 11 bodova, slobodni sastav 18 bodova

Seniori moraju skakati dvostruki aksel sa punom rotacijom i u kratkom programu i u slobodnom sastavu.

Ispunjavanje navedenih kriterija se dokazuje uvidom u Protokol takmičenja.

#### Član 3.1

Status reprezentativca i ulazak u reprezentaciju BIH može se steći i ispunjavanjem uslova prava nastupa na JGP



### Član 3.2

Reprezentativci Bosne i Hercegovine, sukladno odluci ISU, imaju pravo učešća na dva takmičenja iz serije JGP. Jedno od ta dva takmičenja je rezervisano za reprezentativca koji stalno mjesto prebivališta ima u BIH. Sastav reprezentativnog tima, odnosno reprezentativca i njegovih zamjena za svako takmičenje određuje Upravni odbor na osnovu rang liste. Ukoliko je razlika između prvog i drugog rangiranog klizača manja od 12 poena (TES), prvorangirani se šalje na jedan JGP, a drugorangirani na drugi JGP.

### Član 3.3

Status reprezentativca BIH , Upravni odbor može dodjeliti klizačima na osnovu posebnog interesa za razvoj sporta u BIH

### Član 4.

Sastav Reprezentacije Bosne i Hercegovine u umjetničkom klizanju određuje Upravni Odbor na prijedlog Posebne komisije za umjetničko klizanje.

## BRZO KLIZANJE (Short-track)

### Član 5.

Status reprezentativca i pravo na učešće na međunarodnim takmičenjima najvišeg ranga (Evropsko prvenstvo, Svjetsko prvenstvo, Svjetski kupovi), klizač stiče ispunjavanjem norme na 500 metara:

Seniori: 45,800 sekundi ; Seniorke: 49,000 sekundi

Juniori: 49,400 sekundi ; Juniorke: 52,700 sekunde

U slučaju da je takmičar nema vrijeme/plasman na 500 metara zbog pada, status reprezentativca i pravo na učešće na međunarodnim takmičenjima najvišeg ranga stiče ispunjavanjem norme na 1.000 ili 1.500 m:

• Seniori:	1.000 m – 1:33,00 ; 1.500 m – 2:25,50
• Seniorke:	1.000 m – 1:44,00 ; 1.500 m – 2:50,00
• Juniori:	1.000 m – 1:36,50 ; 1.500 m – 2:33,00
• Juniorke:	1.000 m – 1:47,00 ; 1.500 m – 2:52,00

Ovi rezultati moraju biti ostvareni na ISU takmičenjima u rasponu od 1. jula tekuće sezone do početka prvog međunarodnog takmičenja najvišeg ranga u sezoni.

Prva četiri takmičara sa najboljim vremenom koji prema prvom stavu člana 5. ostvare normu su reprezentativci (aktivni i potencijalni). Status aktivnih i potencijalnih reprezentativca je status koji se obnavlja svake godine (klizačke sezone), pri kojem takmičari moraju zadovoljavati ispunjenje norme prema prvom stavu člana 5.



Aktivni reprezentativci su oni koji imaju pravo nastupa na međunarodnim takmičenjima najvišeg ranga kao takmičari sa 1. i 2. najboljim vremenom.

Potencijalni reprezentativci su takmičari sa najboljim 3. i 4. vremenom. Ukoliko je manji broj takmičara koji su ostvarili normu onda oni predstavljaju reprezentaciju redosljedom 1-3 sa pravilima koja važe za aktivne i potencijalne reprezentativce.

#### **Član 6.**

Sastav Reprezentacije Bosne i Hercegovine u brzom klizanju određuje Upravni odbor na prijedlog Posebne komisije za brzo klizanje.

#### **Član 7.**

U slučaju povrede ili drugog opravdanog razloga zbog kojeg klizač nije mogao nastupiti na takmičenju prije reprezentativnog nastupa, a uz opravdanu pretpostavku da može ostvariti normu, Upravni odbor zadržava pravo da, na prijedlog Posebne komisije za brzo klizanje, navednog klizača uvrsti u reprezentaciju i pošalje na planirano međunarodno takmičenje najvišeg ranga.

Postojana pretpostavka kvalitetnog nastupa i klizanja norme vremena (član 5.) za učešće mora biti temeljena na potvrdi trenutne forme evidencijom, izvještajem treninga ili testnom trkom. Takmičar mora imati verifikaciju u vidu pismene potvrde o redovnosti na treninzima od strane trenera kluba kojem pripada.

#### **Član 8.**

Ukoliko za određeno takmičenje normu ispune 4 klizača, Upravni odbor donosi odluku o nastupu tih reprezentativaca u ekipnom dijelu takmičenja --- štafeti.

#### **Član 9.**

Ovaj pravilnik donosi Upravni odbor Saveza klizačkih sportova Bosne i Hercegovine i stupa na snagu danom donošenja.

Predsjednik UO  
Zikrija Đonko